

氏族典第五百六十九卷

齊季姓部彙考

鄭樵通志 以國系爲氏

齊季氏姜姓齊襄公子季奔楚因氏焉世本魯有大夫齊季窺

齊季姓部列傳

周 齊季窺

按萬姓統譜窺魯大夫

西陵姓部彙考

凌迪知萬姓統譜 西陵姓

西陵古侯國也黃帝娶西陵氏

西陵姓部列傳

周 西陵高

按萬姓統譜高周大夫

西門姓部彙考

廖用賢尙友錄 西門姓

西門晉陽徵音鄭大夫居西門因氏焉

西門姓部列傳

周 西門豹

按史記西門豹傳魏文侯時西門豹爲鄴令問民所疾苦曰苦爲河伯娶婦以故貧豹問其故對曰鄴三老廷掾常歲賦斂百姓錢數百萬用二三十萬爲河伯娶婦與祝巫共分其餘錢當其時巫行視人家女好者云是當爲河伯婦卽聘取洗沐之爲治新繒綺縠衣閒居齋戒爲治齋宮河上張緹絳帷女居其中爲具牛酒飯食行十餘日共粉飾之如嫁女牀席令女居其上浮之河中以故多持女遠逃亡城中益空無人又困貧所從來久遠矣西門豹曰至爲河伯娶婦時幸來告語之吾亦往送女皆曰諾至其時西門豹往會之河上三老官屬豪長者里父老皆會以人民往觀之者三二千

人其巫老女子也從弟子十人西門豹曰呼河伯婦來豹視之顧謂三老巫祝父老曰是女子不好煩大巫嫗爲入報河伯得更求好女後日送之卽使吏卒共抱大巫嫗投之河中有頃曰巫嫗何久也弟子趣之復以弟子一人投河中凡投三弟子西門豹曰巫嫗弟子是女子也不能白事煩三老爲入白之復投三老河中西門豹簪筆罄折嚮河立待良久長老吏傍觀者皆驚恐西門豹顧曰巫嫗三老不來還奈之何欲復使廷掾與豪長者一人入趣之皆叩頭破額血流地色如死灰西門豹曰諾且留待之須臾豹曰廷掾起矣狀河伯留客之久若皆罷去歸矣鄰吏民大驚恐從是以後不敢復言爲河伯娶婦西門豹卽發民鑿十二渠引河水灌民田田皆溉皆得水利民人以給足富

西門子

按萬姓統譜西門子見列子

漢 西門君惠 西門息

按漢書王莽傳衛將軍王涉素養道士西門君惠君惠好天文識記爲涉言劉氏當復興國師公姓名是也 按萬姓統譜息王莽時人

唐 西門君儀

按唐書杜伏威傳伏威養子王雄誕膂力絕人伏威被創墮馬雄誕負逃又爲隋將來整所窘別將西門君儀妻王勇決而力負伏威走雄誕還拒遂脫伏威入朝以兵屬雄誕輔公祏將反奪其兵遣西門君儀諭計雄誕不從公祏遂縊之

西門去奢 西門匡範

按唐書德宗本紀貞元十四年三月鳳翔監軍使西門去奢殺其將夏侯衍 按唐書田令孜傳僖宗卽位擢令孜左神策軍中尉是時西門匡範位右中尉世號東軍西軍

西門重遂 西門君達

按唐書兵志李茂貞逼京師昭宗爲斬神策中尉西門重遂 按萬姓統譜君達唐中尉

宋 西門治 西門解

按萬姓統譜治祥符登科 按萬姓統譜解濱州人大觀登科

明 西門炳

按萬姓統譜炳日照人永樂中河南滑川縣丞

西郭姓部彙考

凌迪知萬姓統譜

西郭姓

西郭英賢傳云齊有賢者居西郭因氏焉

西郭姓部列傳

漢 西郭嵩

按萬姓統譜嵩謁者僕射

晉 西郭陽

按萬姓統譜陽北海人李重薦爲祕書郎

西方姓部彙考

王應麟姓氏急就篇 西方姓

西方氏燕有西方處北平人後唐西方鄴

西方姓部列傳

後唐 西方鄴

按五代史西方鄴傳鄴定州滿城人也父再遇爲州軍校鄴居軍中以勇力聞莊宗以爲孝義指揮使數從征伐有功同光中爲曹州刺史以州兵屯汴州明宗自魏反兵南渡河而莊宗東幸汴州汴州節度使孔循懷二志鄴因責循負國石敬瑭妻明宗女也時方在汴鄴欲殺之以堅人心循知其謀取之藏其家鄴無如之何而明宗已及汴乃將麾下兵五百騎西迎莊宗莊宗使以兵爲先鋒莊宗至汴西不得入還洛陽遇弑明宗入洛鄴請死於馬前明宗嘉歎久之明年荆南高季興叛明宗乃拜鄴夔州刺史以兵出三峽取三州乃以夔州爲寧江軍拜鄴節度使已而又取歸州數敗季興之兵鄴武人所爲多不中法度判官譚善達數以諫鄴怒遣人告善達受人金下獄善達素剛辭益不遜遂死於獄中鄴病見善達爲祟卒於鎮

宋 西方琥

按萬姓統譜琥淄州人登科

西鄉姓部彙考

西鄉姓部彙考

西鄉姓部彙考

西鄉姓部彙考

西鄉姓部彙考

廖用賢尙友錄

西鄉姓

西鄉姓

西鄉姓

西鄉風俗通宋大夫西鄉錯之後

西鄉姓部彙考

西鄉姓部列傳

西鄉姓部彙考

西鄉姓部彙考

西鄉姓部彙考

周西鄉曹

西鄉姓

西鄉姓

西鄉姓

按尙友錄曹周隱者

西鉏姓部彙考

西鉏姓部彙考

凌迪知萬姓統譜

西鉏姓

西鉏姓

西鉏見英賢傳

西鉏姓部列傳

周西鉏吾

西鉏姓

按萬姓統譜吾宋大夫

古今圖書集成

明倫彙編氏族典第五百六十九卷西鄉姓部西鉏姓部彙考

列傳 奚容姓部列傳 西周西王諸姓部彙考之一

漢 西鉏虛

按萬姓統譜虛侍御史

奚容姓部列傳

周 奚容箴

按史記仲尼弟子列傳奚容箴字子皙註衛人

西周姓西王姓西申姓西宮姓西閭姓西野姓西乞姓西都姓部彙考

凌迪知萬姓統譜

西周姓 西王姓 西申姓 西宮姓

西周赧王爲西周武公其後爲西周氏 西王新序子夏曰禹學於西王國 西申周成王時

西申國獻鳳凰其國因氏焉 西宮見姓苑

西閭姓 西野姓 西乞姓 西都姓

西閭見姓苑有西閭過 西野見姓苑 西乞秦將西乞術之後 西都見王符潛夫論

下頁接鮒陽姓部

雋陽姓部列傳

後漢 雋陽鴻

按後漢書注丹傳中山雋陽鴻字孟孫以孟氏易教授有名稱永平中爲少府

淮夷姓部彙考

凌迪知萬姓統譜 淮夷姓

淮夷姓纂云淮夷小國入周因氏焉

裴滿姓部彙考

金史 國語解 姓氏

裴滿漢姓曰麻

裴滿姓部列傳

金 裴滿胡喜

按金史世紀桓徽散達大會諸部來攻世祖使裴滿胡喜率大紫駟馬以爲貳馬馳至陣身爲軍鋒

突入敵陣大敗之

裴滿達

按金史裴滿達傳達本名忽撻婆盧木部人爲人淳直孝友天輔六年從蒲家奴追叛寇於鐵呂川力戰有功熙宗娶忽撻女是爲悼平皇后天眷元年授世襲猛安明年以皇后父拜太尉封徐國公皇統元年除會寧牧海陵弑熙宗封忽撻爲王天德三年薨

裴滿忽覲

裴滿按刺

按金史裴滿達傳達子忽覲歷橫海軍節度使以后戚怙勢贓汙不法苟可得財無不爲者以贓罷天德三年起復爲鄭州防禦使改安國軍節度使卒年三十九 按金史世宗本紀大定二年五月押軍萬戶裴滿按刺敗宋兵於華州

裴滿胡刺

裴滿餘慶

按金史世宗本紀大定十九年九月使太子左衛率府率裴滿胡刺爲夏國生日使 按金史章宗本紀大定二十九年正月卽皇帝位十一月以右宣徽院使裴滿餘慶等爲賀宋正旦使

裴滿亨

按金史裴滿亨傳亨字仲通本名河西臨潢府人其先居遼海祖虎山者天輔間移屯東受降城以饗夏人後徙居臨潢亨性敦敏習儒大定間充奉職二十八年擢第升奉御章宗卽位擢監察御史三遷同知大名府事承安四年改河南路按察副使泰和五年改安武軍節度使轉河南北路按察使卒於官亨性謹密出入宮禁數年讜議忠言多所裨益所歷州郡皆有政績可紀云

裴滿福興

裴滿羊哥

按金史宣宗本紀貞祐元年十一月詔贈死事裴滿福興及鄴陽石古乃官

按金史宣宗本紀

貞祐四年十月以龍虎上將軍裴滿羊哥知歸德府

裴滿欽甫

裴滿阿虎帶

按金史哀宗本紀正大二年遣大理卿裴滿欽甫爲夏國報成使正月汴京西面元帥崔立爲亂御史大夫裴滿阿虎帶死之

按金史哀宗本紀天興二年

裴滿姓部列傳

周 哀駘它

按莊子德充符篇魯哀公問于仲尼曰衛有惡人曰哀駘它丈夫與之處者思而不能去也婦人見之請于父母曰與爲人妻寧爲夫子妾者十數而未止也未嘗有聞其唱也常和人而已矣無君人之位以濟人之死無聚祿以望人之腹又以惡駭天下和而不唱知不出乎四域且而雌雄合乎前是必有異乎人者也仲尼曰是必才全而德不形者也

回紇姓部列傳

唐 回紇承宗

按唐書王君奭傳君奭節度河西驛奏四部有叛謀帝使中人卽訊回紇不能自直于是瀚海大都督回紇承宗流灤州

氏族典第五百七十卷

淳于姓部彙考

廖用賢尙友錄 淳于姓

淳于河內羽音春秋時小國也子孫以國爲氏

淳于姓部列傳

周 淳于髡

按史記淳于髡傳髡齊人也博聞彊記學無所主其諫說慕晏嬰之爲人也然而承意觀色爲務客有見髡於梁惠王一語連三日三夜無倦惠王欲以卿相位待之髡因謝去於是送以安車駟束帛加璧黃金百鎰終身不仕

秦 淳于越

按史記秦本紀始皇三十四年博士齊人淳于越進曰臣聞殷周之王千餘歲封子弟功臣自爲枝輔今陛下有四海而子弟爲匹夫卒有田常六卿之臣無輔拂何以相救哉事不師古而能長久者

非所聞也

漢 淳于意

按史記太倉公傳太倉公者齊太倉長臨淄人也姓淳于氏名意少而喜醫方術高后八年更受師同郡元里公乘陽慶傳黃帝扁鵲之脉書五色診病知人死生決嫌疑定可治及藥論甚精受之三年爲人治病決死生多驗然左右行游諸侯不以家爲家或不爲人治病病家多怨之者

淳于司馬

淳于陵渠

按史記太倉公傳齊淳于司馬病意切其脉告曰當病迴風

按漢書律曆志宦者淳于陵渠復

覆太初歷晦朔弦望皆最密日月如合璧五星如連珠

淳于賜

淳于信

按漢書百官表宣帝本始三年大司農淳于賜

按漢書百官表成帝陽朔四年太原太守淳于

信中君爲右扶風

淳于長

按漢書淳于長傳長字子孺魏郡元城人少以太后姊子爲黃門郎未進幸大將軍王鳳病長扶侍有甥舅恩鳳且終以長屬太后及帝帝嘉長義拜列校尉諸曹遷水衡都尉侍中至衛尉九卿趙飛燕貴幸上欲立爲后太后以所出微難之長往來通語得立上德之乃以罷昌陵奏歸功於長賜爵關內侯後遂封定陵侯王莽白長驕恣免就國後逮繫洛陽坐戲侮長定宮謀立左皇后卒至大逆死獄中妻子徙合浦

淳于醜

按漢書淳于長傳長子醜有罪王莽殺之

後漢 淳于崇

按安丘縣志崇章帝時人恭之兄也將爲盜所烹恭請代得免

淳于恭

按後漢書淳于恭傳恭字孟孫北海淳于人也善說老子清靜不慕榮名王莽末歲饑兵起恭兄崇將爲盜所烹恭請代得與俱免後崇卒恭養孤幼教誨學問有不如法輒反用杖自箠以感悟之兄

慚而改過幽居養志潛於山澤舉動周旋必由禮度建武中郡舉孝廉司空辟皆不應客隱琅邪黔
陬山遂數十年建初元年肅宗下詔美恭素行告郡賜帛二十四匹遣詣公車除爲議郎引見極日訪
以政事遷侍中騎都尉禮待甚優其所薦名賢無不徵用進對陳政皆本道德帝與之言未嘗不稱
善五年病篤使者數存問卒於官詔書褒歎賜穀千斛刻石表閭除子孝爲太子舍人

淳于孝

淳于永

淳于登

按安丘縣志孝和帝時人以父恭故除爲太子舍人

按黃縣志永爲御史封侯

按後漢書

酷吏傳陽球爲司隸校尉奏收王甫及中常侍淳于登等

淳于瓊

淳于嘉

淳于仲簡

按後漢書靈帝本紀中平五年八月初置西園八校尉

注

淳于瓊爲右校尉

按後漢書獻帝本

紀初平二年秋七月光祿大夫淳于嘉爲司空三年九月爲司徒興平元年九月罷

按魏志武

帝本紀建安五年公與紹相拒

注

割得將軍淳于仲簡鼻未死

魏 淳于俊